

16.02.2023.



U organizaciji Udruženja poslodavaca BPK Goražde danas je održan okrugli sto na temu: „NACRT ODLUKE O VISINI KOMUNALNIH TAKSI GRADA GORAŽDE“.

Naime, nakon što je Ustavni sud Federacije BiH 27.05.2019.godine proglasio neustavnim član 21.Tarifni broj 1. Zakona o komunalnim taksama BPK Goražde, te Skupština BPK Goražde 15.09.2022.godine donijela Zakon o izmjenama i dopunama zakona o komunalnim taksama BPK Goražde i zadužila Općinska vijeća/Gradsko vijeće da donesu nove odluke o visini komunalnih taksi i nakon što je Gradsko vijeće Grada Goražde 07.02.2023.godine utvrdilo nacrt pomenute odluke, danas se vodila rasprava između poslodavaca i predstavnika Grada Goražde na ovu temu.

Najviše primjedbi je bilo na iznose iz kategorije srednjih i velikih preduzeća, posebno iz proizvodnih djelatnosti, jer su istu plaćali po dosadašnjoj odluci 500,00 KM, a sada je predloženo čak i do 3.600,00 KM za velika preduzeća zavisno od zone u kojoj posluju i prihoda koji su ostvarili.

Zaključak svih prisutnih poslodavaca je da se ovaj iznos treba odrediti na maksimalno 1.000,00 KM za velika preduzeća, a za srednja preduzeća puno manje od predloženog, jer se i u ovom djelu u prijedlogu nalazi iznos 1.850,00 KM u industrijskim zonama u kojima posluju naši privredni subjekti.

